

Domine, rogavimus et deprecati sumus faciem respectus tui suppliciter, ut tua illuminatione et gubernatione eligeremus participem imperii: sed quia tecum bene non fecimus, sine te melius consilium invenimus. Absit, absit. Avertat Deus a vobis inspirationem Dei repudietis, et voluntatem nominum carnalia tantum sapientium statuatis, ut in errorem inducamini, et deducamini. Obscero clementiam vestram, ut secundum a Deo vobis collatam prudentiam perpendatis quomodo heatus Jacobus Apostolus reprehendat eos qui propriis animorum motibus proponunt aliqua se facturos sine prospectu divina permissionis, dicens: *Ecce nunc qui dicitis: Hodie aut cras ibimus in illam ciritatem, et faciemus quidem ibi annum, et mercabimur, et lucrum faciemus: qui ignoratis quid erit in crastinum. Quae enim est vita vestra? Vapor est ad modicum parens, deinceps exterminabitur. Pro eo ut dicatis: Si Dominus voluerit, et, Si viscerimus, faciemus hoc, aut illud.* Et cavete ab hominibus qui sequuntur spiritum suum, quia non omnium est si les.

VI. Cognovit Dominus qui sunt ejus; et quicunque ejus sumus, quantulacunque veritatis luce fruimur, et veritate illuminante sinceriter vos amamus, fideliter vestram sempiternam felicitatem exoptamus; et idcirco tanta mala, tanta scelera

A isto anno ex hac occasione perpetrata dolemus, et timemus valde ne in vos furor Dei concitetur. Recordamur namque ardentissimæ religionis vestræ, quam cognovimus semper in assiduitate orationum, in psalmis et hymnis et canticis spiritualibus cantantem et psallentem Deo in corde puro, in contritione cordis, in compunctione placidæ mentis, in sollicitudine misericordiarum et omnium bonorum strenuitate. Et ideo, ut dictum est, timendum nobis videtur, ne tepescat, ne frigescat, optandum vero ut servescat et augeatur perseverando usque in finem, ut salus sempiterna sequatur.

VII. Et quia superius de legitimo et opportuno juramento mentio facta est, videtur mihi non celandum excellentiæ vestræ, quod multa murmuratio est nunc inter homines propter contraria et diversa juramenta, et non sola murmuratio, sed et tristitia, et detractio adversum vos: quod mihi usquequaque disollet: quorum murmuratio ad illud pertinere eis videtur quod beatus Hieronymus in expositione Jeremie dicit in illo loco ubi propheta ait: *Et jurabis: vivit Dominus, in veritate et in iudicio et justitia.* Ait ergo prædictus doctor: *C Simulque animadvertisendum, quod jusjurandum hos habeat comites, veritatem, judicium, atque justitiam. Si ista defuerint; nequaquam erit juramentum, sed perjurium.*

#### • DE COMPARATIONE REGIMINIS ECCLESIASTICI ET POLITICI

*Et in quibus Ecclesiæ dignitas præfulgeat imperiorum majestati.*

I. Domno clementissimo et Christianissimo ac per hoc omni laude dignissimo imperatori Ludovico Agobardus.

Jubet vestra prudentissima solertia contra b commotiones hujus temporis paratum esse utrumque ordinem, militarem videlicet, et ecclesiasticum; ij est, et eos qui sæculari militiæ, et illos qui sacris ministeriis inserviunt; et illos quidem ad certandum ferro, istos autem ad disceptandum verbo; ut similes similibus obsistere valeant. In qua re summopere sciendum est, quod in congressione armorum plus exspectanda est justitia superni regiminis, quam ro-

BALUZII

a Liber iste in aliis editionibus, præter istam Agobardi ad Ludovicum imperatorem epistolam, completebatur etiam epistolam Gregorii IV ad episcopos regni Francorum, et Librum apologeticum pro filiis ejusdem Ludovici. Verum et res ipsa et vetusti codicis auctoritas suaserunt ut hæc tria distingueremus. Nam certum est epistolam ad Ludovicum scriptam terminari in his verbis, *Hujus rei nisus merita vestra appropinquare faciat apostolicis meritis.* Tum sequi debuit, sed non in eodem libro, epistola seu erius fragmentum epistolæ Gregorii IV ad episcopos partis Ludovici: quæ vel ob hoc ipsum in eodem fasciculo alligari non debuit, quod nulla illius mentio extet in epistola ad Ludovicum. Liber demum apologeticus procul dubio ab utraque epistola disjungi debuit. Nam nihil aliud est quam liber in publicum emissus, ac per omnes ubique provincias, ut patet, vulgatus, ad probandum justas fuisse causas quibus

C bur brachiorum; in altercatione autem sermonum plus exspectanda est veritas, quam copia verborum. Propter quod orandum est ab omnibus tota intentione mentis, ut ille de quo vos dicitis, *Dominus illuminatio mea et salus mea,* quia illuminatio vestra est, illustreret faciem suam super vos; et quia salus vestra est, salvum vos faciat in sua misericordia, ut huic orationi congruenter vos subjungatis: *Domine non confundar, quoniam invocavi te.*

II. Ego igitur servulus vester, cum cognovissem ex vestro sacro præcepto jussum mihi esse ad vestram præsentiam properare ita paratum, ut cum NOTÆ.

D moti Lotharius fratresque ejus arma adversus patrem moverunt: il quod nos hodie Gallica lingua vocaremus un manifeste. Et, quod jugulum petit, tres ille lucubrationes disjuncte ac divisæ sunt in codice regio; incipiuntque omnes a maiuscula littera, ut solet initia librorum. Verum quia posteriores Agobardi lucubrationes nullum titulum habent in veteri codice, amanniensis, ad cuius fidem prodit editio Massonica, putavit hæc conjungi debere. Cæterum, istius quoque libelli titulus nullus erat in veteri codice. Itaque retinuimus eum quem Massonus fecit, non aliam tamen ob causam, quam quia jam obtinuit ut eo titulo laudetur ab eruditis.

b *Commotiones hujus temporis,* id est bella et dissensiones quæ in regno Francorum erant anno 853 ob divisionem Ludovici filiorum que ejus, ceu antea diximus.

criteris ecclesiasticis viris contra injustos reprehensionis oppositionem adhibere possem, vñsum mihi est ut in Dei et vestro servitio, de anteriorum Patrum actibus et sensibus hæc verba, quæ suhterannexa sunt, gloriosissimæ excellentiæ vestræ mitterem; quatinus sancta religio vestra pie perpendere dignetur, a cuius reverentia debitores estis ad vestrum quotidianum profectum erga sedem apostolicam. Denique beatus <sup>b</sup> Pelagius papa, cum quosdam redargueret episcopos, eo quod nomen ejus reticerat in actione sacri mysterii, id est, in so-

## BALUZII

**a Cujus reverentia debitores.** Ludovicum instruit Agobardus de reverentia quæ sedi apostolicae debentur. Verum necessaria fortassis non erait haec Agobardi opera. Nemo enim, arbitror, in tota Gallia haec tenuit, eorum nimis qui communione sedi apostolicae junci fuerunt, qui existimaverit magnam sedi apostolicae deberi reverentiam. Certe, ævo Agobardi, episcopi ex synodo Parisiensi sribentes anno 824 ad Ludovicum et Lotharium imperatores, ita loquuntur: « Nos his qui in sacra sede beati Petri apostoli resident, dignam honoris reverentiam jure tribuendam non dubitamus. »

**b Pelagius papa** hujus nominis primus. Epistola autem illa data est ad episcopos Tuscie, existatque in tomis conciliorum.

**c Cum famulo tuo papa nostro.** Vetus est in ecclesia consuetudo, ut episcopi catholici, præcipue vero Romanus, inter mysteria nominentur, ut inde constet fidelibus pontificis esse juncos communione cum sede apostolica. Istud obsequium ab episcopis illis prætermisso conquerebatur Pelagius, et merito conquerebatur. Boni enim episcopi est impatienter ferre, si quis in Ecclesia Dei schisina ac divisionem facere tentet. Manifestum autem schismatis argumentum est, cum quis se communioni subtrahit apostolice sedis, a qua in omnes venerandæ communio- mis jura dimanant, ut loquuntur Patres concilii Aquileiensis in epistola ad Gratianum imperatorem scripta.

**d Fundam. Ecclesie in apost. sedib.** Quoniam in notis ad Lupum Ferrariensem polliciti sumus plura nos ad Agobardum dicturos de dignitate et auctoritate sedium apostolicarum, res postulare videtur ut fidem nostram liberemus; præsertim cum res hæc tanti momenti sit, ut vix illa dignior esse videatur quæ priorum ac eruditorum lectorum oculos mentesque occupet. Ecclesias igitur apostolicas, illas dico, secundum Augustinum, quæ apostolicas sedes habere et epistolas accipere meruerunt; id est, quæ et ab apostolis fundatae sunt, et scriptæ existant ad illas epistolæ apostolorum. Plures illæ numero fuerunt, ut Corinthiensis in Achaia, Thessalonicensis et Philip- pensis in Macedonia, Ephesiæ in Asia, Romana in Italia. Has enim apostolicas Ecclesias enumeral Ter- tullianus in libro de præscriptione hereticorum. Pre- ter illas vero, Alexandrinam quoque et Antiochenam inter apostolicas recenset Gelasius in decreto de li- bris canonicis. Neque dubium est quin et ipse fuerint apostolicæ: in quæ numerum etiam veniunt Hierosolymitana et Ancyranæ, ac etiam Colossensis in Phrygia majori. Ac sane tanti momenti visa est veteribus dignitas illarum Ecclesiarum, ut nihil grave in Ecclesia decerni posse putarent extra conscientiam episcoporum sedibus illis præsidentium, præsertim vero Romani, Alexandrinæ, et Antiochenæ, eumque hereticum ac schismaticum judicarent qui Ecclesias illis communione juncos non esset. Hinc factum ut cum Orientis concilia, inconsulto episcopo Romano, damnassent Athanasium episcopum Alexandrinum et Marcellum Ancyranum, Julius objurgatoriam ad eos epistolam miserit, conquerens de hoc agendi mo- lo,

A lemniis missarum, (in principio scilicet, ubi dicere solemus, in primis quas tibi offerimus pro Ecclesia tua sancta catholica, quam pacificare, custodiare, adunare et regere digneris toto orbe terrarum, una cum famulo tuo papa nostro) ait ad eosdem episcopos: « Divisionem vestram a generali Ecclesia, quam tolerabiliter ferre non possum, vehementer stupeo. Cum enim beatissimus Augustinus, Dominicae sententiae memor, que <sup>d</sup> fundamentum Ecclesiae in apostolicis sedibus collocavit, in schismate esse dicat quicunque se a presulum earumdem sedium

## NOTÆ.

judiciumque irritum esse contendens, episcopos enim illos non esse vulgarium Ecclesiarum episcopos, sed earum Ecclesiarum quas ipsi apostoli suam opera ad fidem instruxerant. Itaque Athanasii et Marcelli causam judicari non potuisse inconsulto se ac Romana synodo; sed necessarium ante omnia fuisse scribi de ea re ad Occidentales, ut communione omnium consensu componi possent magna Ecclesia. Hunc enim esse verum ac genuinum sensum epistolæ Julii ad Orientales ostendit Marca. Prærogativam illam Ecclesiarum apostolicarum agnoscit etiam Augustinus in epistola 162 ubi agens de Cacciano Carthaginensi episcopo ejusque collegis, adversus quos, tamenetsi absentes, synodus Donistiatarum protulerat sententiam damnationis, ait judicium hoc esse irritum, episcoposque illos posse causam suam reservare judicio aliorum collegarum, præser- tim vero eorum qui presidebant Ecclesiis apostolicis; adeoque tuum esse Cacillianum ab insidiis iniuricorum suorum, quandoquidem communione junctus erat Ecclesiae Romanae et aliis Ecclesiis, unde Evangelii fides fluxerat, id est, apostolicis. Hoc rursus Marca. Nam lubenter ejus auctoritate utimur, neminem honore suo fraudantes, multo minus illum, cui me tantum debere semper et ubique profliteor, quantum deberi homini potest ab homine istarum rerum studioso. Sed et Pelagius quoque I papa Romanus in epistola ad Valerianum patricium, cum ageret aduersus Aquileiensem et Mediolanensem epis opos, in causis Ecclesie generalibus sedi sua nihil speciale reservat, nisi quatenus una est ex sedi us apostolicis: adeo ut si quod dubium oriatur adversus constituta synodorum universalium, recurrendum esse dicat ad sedes apostolicas pro recipienda ratione. Sed quoties, inquit, aliqua de universali synodo aliquibus dubitatio nascitur, ad recipiendam de eo quod non intelligunt rationem, aut sponte hi qui salutem animæ suæ desiderant ad apostolicas sedes pro recipienda ratione convenient, etc. » Tum paulo post addit eum circa controversiam esse schismaticum, qui ab apostolis sedibus est divisus: « Quisquis ergo ab apostolicis divisus est sedibus, in schismate eum esse non dubium est, et contra universalem Ecclesiam altare conatur erigere. » Ex his ergo constat magnam fuisse olim dignitatem et auctoritatem Ecclesiarum apostolicarum. Nec immixto; cum, ut post Augustinum Pelagius papa docet, fundamentum Ecclesiae sit in apostolicis sedibus. Eam porro ob auctoritatem Eu- tyches in synodo Constantinopolitana damnatus a Flavianu an. 448 provocavit quidem ad synodum Romanam, sed non solam. Nam appellavit etiam synodos Alexandrinam, Hierosolymitam et Thessa- lonicensem, ut egregie probatum est in libro vn de Concordia sacerdotii et imperii, cap. 6. Sed tamen Romana Ecclesia semper prelatæ est reliquis Ecclesiis apostolicis, quod eam Petrus et Paulus sanguine suo consecraverint, et apud Romanum Christi martyrio fuerint consecrati. Eadem ob hoc ipsum dicta est per antonomasiæ sedes apostolica, etiam a veteribus. Præcipue vero patres Occidentalis Ecclesiae, cum sedem apostolicam simpliciter dicunt, Romanam

auctoritate vel communione suspenderit, nec aliam manifestet esse Ecclesiam, nisi quæ in pontificalibus apostolicarum sedium est solidata radicibus; quomodo vos ab universi orbis communione separatos esse non creditis, si mei inter sacra mysteria secundum consuetudinem nominis memoriam reticetis, in quo, licet indigno, apostolicæ sedis per successionem episcopatus præsenti tempore videtis consistere firmatatem.

III. Beatissimus quoque Leo papa ad universos Viennensis provinciæ episcopos de auctoritate et privilegio apostolicæ sedis ita scribit: « Divinæ cultum religionis, quem in omnes gentes, omnesque nationes, Dei voluit gratia coruscare, ita Dominus noster Jesus Christus humani generis salvator instituit, ut veritas quæ antea legis et prophetarum præconio continebatur, per apostolicam tubam in salutem universitatis exiret, sicut scriptum est: *In omnem terram exivit sonus eorum, et in fines orbis terra verba eorum.* Sed hujus muneris sacramentum ita Dominus ad omnium apostolorum officium pertinere voluit, ut in beatissimo Petro, apostolorum omnium summo, principaliter collocaret, ut ab ipso, quasi quodam capite, dona sua velut in corpus omne diffunderet, ut exsortem se mysterii intelligeret esse divini, qui ausus fuisset a Petri soliditate recedere. Ilunc enim in consortium individue unitatis assumptum, id quod ipse erat, voluit nominari, dicendo: *Tu es Petrus, et super hanc petram ædificabo Ecclesiam meam;* ut æterni templi ædificatio mirabili munere gratiæ Dei in Petri soliditate consideret; hanc Ecclesiam suam firmitate corroborans, ut illam nec

BALUZII

semper intelligunt, quod ea sola apostolica esset in Occidente. Neque tamen propterea assentior illustrissimo cardinali Baronio, qui Turonensem ac Burdegensem Ecclesiæ, quæ apud Gregorium Turonensem libro quarto, cap. 26 (ubi de concilio Santonensi agitur, quod anno 566 habitum est) vocantur sedes apostolicæ, ob hoc dictas putat apostolicas, non quod ab apostolis fuerint instituta, sed quod eisdem ab apostolica sede Petri concessa per pallium apostolica inesset auctoritas. » Respxit videlicet Baronius ad mores posteriorum saeculorum. Nam postea persuasum fuit pallii honorem decretum fuisse metropolitanis, propter apostolicam vicem, id est, ut ex confessione pallii intelligerent metropolitani vicarios se esse sedis apostolicæ, ut ex Rhabano Marca observavit. Sed istud valere non potuit tempore istius synodi Santonensis, quo nondum quisquam episcoporum Gallicanorum, si Arelatensem excipias, pallium ab episcopo Romano acceperat. Conturbasset profecto Baronius, si probare coactus fuisset missum illud ante hæc tempora fuisse ad archiepiscopos Turonensem ac Burdegensem. Sed ideo dictæ sunt apostolicæ, quod per illas tempestates Ecclesiæ omnes episcopales dicebantur apostolicæ, juxta observationem Tertulliani, quod fidem suam ab apostolica illa prima sede accepissent quam apostoli fundaverant. Unde cum vides Ruricium Leinovicensem episcopum a Fausto Reiensi dici apostolica sede dignissimum, intelligere non debes Romanum, sed Leinovensem, cui dignissime presidebat Ruricius, ideo sede illa dignissimus. Vide porro notas nostras ad Vincentium Lirinensem.

<sup>a</sup> Per vicarios suos, id est, per Romanos pontifices, qui frequenter vocantur vicarii apostolicæ sedis.

A humana temeritas posset appetere, nec portæ contra illam inferi prævalerent. Verum hanc petræ istius sacratissimam firmitatem Deo, ut diximus, ædificante constructam, nimis impia vult præsumptione violare, quisquis ejus potestatem tentat infringere, favendo cupiditatibus suis, et id quod accepit a veteribus non sequendo. » Hæc beatus Leo; sed et alii multi hujusmodi docentes, ut illius stabilis petræ sempiterna soliditas, super quam Dominus Salvator noster proprii fundavit Ecclesiam, a solis ortu usque ad occasum primatus sui apicem, successorum suorum auctoritate tam per se quam <sup>b</sup> per vicarios suos firmiter obtineret. Ex quibus beatus Anastasius papa ad imperatorem scribens, docet quod pro Christo fungatur legatione, qui pro pace precatur Ecclesiæ; et B ipsum imperatorem admonet, ut constitutis apostolicæ sedis obtemperet.

IV. Certe, clementissime domine, si nunc <sup>b</sup> Gregorius papa irrationabiliter et ad pugnandum venit, merito et <sup>c</sup> pugnatus et repulsus recedet. Si autem pro quiete et pace populi et vestra laborare nititur, bene et rationabiliter obtemperandum est illi, non repugnandum. Si enim quod vestra voluntate et potestate cum consensu totius imperii vestri factura est, et postea <sup>d</sup> in apostolica sede roboratum, hoc vult in pristinum reducere statum, satis rationabilis et opportunus est ejus adventus. Quia nullatenus quod ita est constitutum a vobis, debetis mutare. Nec enim sine gravi periculo et reatu animæ fieri potest.

C V. In his sacratissimis diebus Paschalibus perlatæ sunt ad me litteræ istius <sup>e</sup> apostolici, præcipientes NOTÆ.

Gelasius papa in epistola ad Anastasium Augustum: « Et qualisunque apostolicæ sedis vicarius, quocunque plene fidei catholicæ deesse compereo, pro meo modulo suggestionibus opportunitis supplere contendō. » Item Symmachus in Apologetico ad eumdem Anastasium: « Ubi te, rerum humanarum princeps, qualisunque sedis apostolicæ vicarius contentari voce non desino, etc. » Episcopi in synodo Romana congregati anno 800 in causa Leonis papæ: « Nos sedem apostolicam, quæ est caput omnium Dei Ecclesiarum, judicare non audemus. Nam ab ipsa nos onnes et vicario suo judicamus. » Et alibi pluries. Sic vocantur etiam vicarii beati Petri, et vicarii apostolorum Petri et Pauli; ut alibi pluribus dictum est a nobis. Quin et Cyprianus in epistola 67 Stephanum papam vocat vicarium et successorem Cornelii Luciique pontificum Romanorum.

<sup>b</sup> Gregorius papa hujus nominis quartus qui tum in Galliam cum Lothario venerat, in ejus partes transgressus contra patrem, uti dicenmus infra.

<sup>c</sup> Pugnatus et repulsus recedet. Evenisse id quod ominus natura hoc loco Agobardus patet ex Hinclaro, qui sic loquitur in epistola 41 ad Adrianum II scripta. « Et quomodo Gregorius subreptus cum Lothario patre suo repugnante in Francia venit, et pax postea in Francia ut antea non fuit, et ipse papa cum tali honore sicut decuerat, et sui antecessores fecerunt, Romanum non rediit. »

<sup>d</sup> In apostolica sede roboratum. Non quod approbatio Romani pontificis esset necessaria; sed quia Paschalis papa id valde cupiit, ut supra diximus in notis ad Epistolam flebilem.

<sup>e</sup> Apostolici, id est, Romani pontificis, qui tum erat Gregorius quartus. Nam per eas tempestates

ut jejunia et orationes cum abstinentia ficeremus, si forte omnipotens Dominus effectum conatur ejus præstare dignatur; quatenus apud vos obtineri possit, ut pax et concordia pristina domui et regno vestro restituatur. Quod ego audiens, compunctus, faciem cordis mei, quantum valui, ad Jesum Christum Dominum nostrum levavi, vehementer exoptans ut sine sanguinis effusione tam injustus tumultus per benignissimam omnipotentiam ejus sedaretur.

VI. Dignetur sublimis prudentia vestra pie perpendere quod Apostolus dicit: *In novissimis diebus instabunt tempora periculosa.* Quæ pericula beatus papa Gregorius suo jam tempore, quando adhuc status idem multo et incomparabiliter melior erat quam nunc, ita deplorat, dicens: « Tantis quippe in hoc loco hujus mundi fluctibus quatior, ut vetustam ac putrescentem navem, quam regendam occulta Dei dispensatione suscepi, ad portum dirigere nullatenus possim. Nunc ex adverso fluctus irruunt, nunc ex latere cumuli spumosi maris intumescunt, nunc a tergo tempestas insequitur; interque hæc omnia

## BALUZZI NOTÆ.

hæc appellatio soli Romano pontifici competit. Olim tamen singuli episcopi dicebantur *apostolici*, ob eam videlicet causam, quod successores apostolorum cum essent, sedes suas apostolicis prediis virtutibus regebant, ut verbis Juliani Pomerii utamur in capite 25 libri princi de Vita contemplativa; tum etiam quia cum omnes sedes vocarentur apostolicae,

A turbatas, ogor modo in ipsa clavum adveritate dirigere, modo curvato navis latere minas fluctuas ex obliquo declinare. Ingemisco, quia sentio quod negligente me crescit sentina vitiorum, et tempestate fortiter obviante, jam jamque putridæ naufragium tabulæ sonant. » Heu, heu! Si tune jam putrescebat navis Ecclesie, et si ejus tabulae jam putridæ erant, quid nunc est?

VII. Ille verba, piissime domine, beatissimi doctoris propterea ad memoriam vestram reducere presumpsi, ut quia nemo dubitat vos multo et inefabiliter plus esse aiatorem regni cœlestis quam terreni, permansuri quam transituri, et juxta vestram sanctam fidem, spei et charitatem, de nullo alio opere potestis tam clare Deum placare, quam de sollicitudine et administratione pacis et unitatis Ecclesie, vestra solertissima religio elaboret, ut omnis anima fidelis proficiat in fide et cognitione Dei: quæ res omnibus rebus Deo charior est. Hujus rei natus merita vestra appropinquare faciat apostolus meritis.

## BALUZZI NOTÆ.

consequens erat ut præsidentes dicerentur apostolici. Deinde vero paulatim titulus ille ademptus simplicius episcopis, peculiari factus est metropolitanorum. Tandem et his quoque demptus est, totaque hujus nominis dignitas in episcopum Romanum transfusa. Itaque jam ab aliquot sæculis solus ille vocatur *apostolicus*.

## • EPISTOLA GREGORII PAPÆ IV

## AD EPISCOPOS REGNI FRANCORUM.

Romano pontifici scribentes, contrariis eum in præstatione nominibus appellastis, fratrem videlicet et papam; dum congruentius esset solam ei paternam reverentiam exhibere. Adventa quoque ejus

C comperto, « lætari vos dicitis, credentes omnibus principi scilicet subjectis profuturum, et optasse: « occursum vestrum nobis non negandum, nisi sacra iussio imperialis præveniret. Quæ verba reprehensi-

## BALUZZI NOTÆ.

trem, nihil detrahere de dignitate ac majestate ejus. Et omnino mihi placet Erasmi observatio, qui in Commentario ad epistolam Cypriani ad Antonianum suspicatur *fratris* cognomen hic non arguere dignitatis æqualitatem, sed societatem communionis.

« *Lætari vos dicitis.* Ita omnino codex vetus. Sed quoniam vox *lætari* sic scripta est [la et ari] existimat amanuensis omissam fuisse aliquam litteram, et pro *lætari* legendum esse *lamentari*, quemadmodum habet editio Massoni. Necessarium porro esse hanc emendationem patet ex iis quæ infra ait Gregorius: *Deinde, postquam dixistis vos lætatos esse de adventu nostro*, etc. Rursum paulo post editio Massoni habebat, *Principi scilicet subjectis futurum*, nullo sensu. Rectius itaque codex regius, in quo scriptum diserte est profuturum.

« *Occursum v. n. n. negandum.* Moris quippe tum era, ut quoties Romanus pontifex ad comitatum veniebat, episcopi Francorum ei obviam procederent, honoris causa. Verum quia Gregorius non veniebat ut hospes, sed ut hostis, adeoque absque consensu Ludovici, prohibiti sunt a principe, ne obsequio illo officioque defungeretur erga pontificem. Unde et postea Romanus reversus est Inglorius, et non cum tali honore sicut antecessores sui fecerant, ut admovuit Hincmarus.

\* Epistola ista, seu verius fragmentum epistole, magni momenti est; et quo primum tempore in publicum prodit, exercuit industriam doctorum virorum. Massonus sane, qui primus illam edidit, scriptam putavit ab Agobardo, quem primatem Aquitanie vocat, aduersus episcopos partis Ludovici. Goldastus iisdem vestigiis insistens, hunc ei titulum fecit: *Rescriptum ad epistolam synodalem episcoporum Francorum ex Germania et Gallia congregatorum pro causa Ludovici Pii imperatoris.* Tandem divini ingenii vir, Petrus de Marca archiepiscopus Parisiensis, deprehendit epistolam illam esse non Agobardi, sed Gregorii IV Roman pontificis: quod probavit tot argumentis, ut valde lusciosus sit oportet qui lucem veritatis hic non videat. Ea de causa nos titulum illi epistole sic fecimus: *Epistola Gregorii IV papæ ad episcopos regni Francorum.* Eam porro, cum multis in locis esset corrupta, diligenter ac fideliter emendavimus ad fidem codicis manuscripti.

\* Fratrem ex veteri more, cuius retinētissimus est Cyprianus: nec aliter concilia Africae, aut ipse Augustinus. Sed vetustiora erant exempla, quam ut hisce temporibus potuerint esse valida. Baronius porro ad annum 419 loquens de libris Augustini adversus Julianum agnoscit morem illum qui antiquitus obtinebat, ut singuli episcopi Romanum appellarent fra-